

Gaatha Khatu Shyam Ji KI | By Sunil Sarvottam

Dhaamo Mein Ek Dhaam Suna, Naam Hai Khatu Dham
Wahan Viraje Shyam Hamare, Jai Jai Shree Shyam
Doobo Ko Ubaare Baba Girta Ko Le Thaam
Haare Ka Sahara Hai Wo, Jai Jai Jai Shree Shyam
Jai Jai Jai Shree Shyam.....

Pratham Guruji Ko Vandana , Dwitiya Aad Ganesh
Tritiya Simru Sharda, Mit Jaye Sakal Kalesh
Haath Jod Vinti Karu, Sau Sau Karu Pranam
Shyam Naam Lekar Karu Puran Saare Kaam
Sunlo Dhyan Laga Kar Kehta Hoon Shyam Katha
Kaun The Dada Dadi Inke, Kaun The Mata Pita
Bheem The Inke Dada, Aur Ghatotkach Pita
Hidimba Inki Dadi Aur Morvi Inki Maa
Ghatotkach Ke Ghar Janma Morvi Ne Ek Lal
Babbar Sher Ke Jaise The Us Balak Ke Lal
Isiliye Us Balak Ka Barbarik Hua Naam
Badi Nirali Katha Hai Inki Bade nke Bade Nirale Kaam

Maa Se Seekh Ke Yuddh Kala, Wo Balak Ban Gaya Veer
Shiv Shankar Bhagwan Ki Usne Ghor Tapasya Ki
Hue Prasann Jab Mahadev To Diya Ek Vardan
Barbarik Balak Ko De Diye Teen Alokik Baan

Agni Dev Ne Bhi Inko Ek Dhanush Kiya Pradan
Dhanush Baan Pakar Ke Badh Gayi Barbarik Ki Shan
Mahabharat Ke Yuddh Ki Hai Ye Ek Kahani
Shyam Naam Kehta Hoon Bhakton Sunlo Meri Zubaani

Kauravo Aur Pandavo Beech Mein Yuddh Chhida Tha Bhaari
Swayam Sarthi Bane Yuddh Ke Girdhar Krishna Murari
Barbarik Ke Man Mein Bhi Is Yuddh Ki Ichcha Jaagi
Ranbhumi Mein Jaane Ki Mata Se Aagya Maangi

Mata Boli Jao Ashish Mera Le Jao
Lekin Jaan eSe Pehle Mujhe Ek Vachan De Jao
Yuddh Agar Karna Ho To Phir Dhyan Rahe Ek Baat
Ranbhumi Mein Dena Hoga Haare Ka Hi Saath

Neele Ghode Par Wo Hokaar Ke Chale Savaar
Jai Jai Khatu Wale Baba Neele Ke Asvaar
Antaryami Bhagwan Jo Hai Leela Purushottam
Krishna Kanhaiya Raas Rachaiya Hai Wo Hi Sarvottam

Jaan Liya Divya Drishti Se Barbarik Ka Aana
Teen Alokik Baano Ki Shakti Ko Bhi Pehchana
Beech Raah Mein Rok Liya Brahman Ka Vesh Banakar
Barbarik Se Jaan Liya, Sab Baato Mein Uljha Kar

Sunke Baano Ki Shakti Ko Man Mein Kiya Vichar
Agar Ye Baan Chale To Hoga Jag Mein Hahakaar
Bole Bhagwan Sachche Hain Jo Tere Teeno Baan
Ped Ke Saare Patte Bhed Ke Dikhlao Praman

Barbarik Ne Tham Liya Pal Bhar Mein Teer Kamaan
Devi Devtaon Ka Man Mein Karne Laga Wo Dhyan
Barbarik Ne Man Hi Man Mein Shvi Ka Dhyan Lagaya
Ek Patta Shri Krishna Ne Apne Pairo Tale Chhupaya

Dhyan Laga Kar Barbarik Ne Jab Wo Baan Chalaya
Pal Bhar Mein Wo Ped Ke Saare Patte Bhed Ke Aaya
Pair Tale Ek Patta Jo Reh Gaya Baan Se Bach Kar
Baan Krishn Ke Pairo Ke Laga Kaatne Chakkar

Barbarik Ye Bole Prabhu Apna Pair Hataao
Chot Na Pahunche Aap Zara Is Patte Se Hat Jaao
Dekhi Baan Ki Shakti Jab Leela Purushottam Ne
Dharm Ki Raksha Ki KHaatir Leela Rach Daali Man Mein

Kaurav Ran Mein Haarengi Unko Ye Baat Thi Gyaat
Barbarik To Dega Dega Haare Ka Hi Saath
Soch Vichar Ke Bole Brahman Roopi Bhagwan
Barbarik Se Krishna Kanhaiya Lage Maangne Daan

Leeladhar Ke Leela Se The Barbarik Anjaan
Vachan Diya Jo Maange Aap To De Sakta Hoon Jaan
Itna Sun Bhagwan Ke Mukh Par Phaili Ek Muskan
Vachan Bhara Kar Barbarik Se Maanga Sheesh Ka Daan

Krishna Ki Vaani Sun Kar Pal Bhar Mein Hua Abaat
Man Mein Shanka Jaagi Ho N a Ho Koi Baat
Haath Jod Kar Pucha He Munivar Kaun Ho Aap
Kyun Maanga Hai Sheesh Aapne Aisi Kya Hai Baat

Kaun Ho K ahan Se Aaye Mujhko Itna Batlao
Darshan Dekar Mujhko Apna Shanka Meri Mitao
Vinti Sunkar Barbarik Ki Roop Virat Dikhaya
Barbarik Ne Bhagwan Ke Charan Mein Sheesh Jhukaya

Dhanya Hua Jeevan Mera Darshan Jo Aapka Paaya
Roop Virat Dikha Kar Mujhko Jeevan Safal Banaya
Wo Bole He Bhagwan Main Daan Avashya Hi Dunga
Lekin Meri Ichha Hai Ki Yuddh Bhi Main Dekhunga

Krishna Kanhaiya Ne Unki Ye Baat Hriday Se Maani
Bole Mahabharat Ke Sabse Pehle Tum Ho Daani
Maa Shakti Ko Yaad Kiya Thaami Unse Talvaar
Kshan Bhar Ko Jaise Ke Sara Maun Hua Sansar

Ek Hi Pal Mein Dhad Se Usne Apna Sheesh Uthara

Charno Mein Rakh Diya Krishn Ke ADbhut Bada Nazara
Leeladhar Ne Sheesh Ko Apne Haatho Beech Uthaya
Seench Diya Amrit Se Usko Amar Sheesh Kehlaya

Sheesh Rakha Ek Parvat Par Aur Diya Ek Vardan
Apne Hi Kayi Naamo Mein Se Diya Unhe Ek Naam
Shyam Naam Se Kalyug Mein Hoga Tera Gungaan
Sheesh Ke Daani Kehlaoge Khatu Hoga Dham

Kartik Maah Ki Ekadashi Ko Khatu Nagri Beech
Huyi Khudayi Prakat Hua Tha Sunda Sa Ek Sheesh
HaareKa Sahara Hai Wo Wo HI Lakhdatar
Teen Baandhaari Hai Wo HI Leele Ka Aswaar

Bhakti Bhaav Se Jo Bhi Koi Aaye INke Dware
Ho Jaate Hian Un Bhakton Ke Pal Mein Vaare Nyare
Door Door Se Aet Hain Jo Lekar Dhwaja Nishan
Unke Man Ki Ichcha Puran Karte Baba Shyam

Fagun Mela Lage Khatu Mein Har Ek Saal
Darshan Paakar Shyam Dhani Ke Hote Sabhi Nihaal
Jis Ghar Baanchi Jayegi Paavan Shyam Katha
Us Ghar Se Mit Jayegi Dkh Santap Vyatha

Kahe Sunil Ye Haath Jod Kar Sunlo Dhyam Lagaye
Shyam Naam Sarvottam Jag Mein Janam Safal Ho Jaye
Katha Samapan Karta Hoon Main Lekar Shyam Ka Naam
Jay Jay Khatu Wale Baba Jay Jay Jay Shree Shyam
Jay Jay Jay Shree Shyam.....
Jay Jay Jay Shree Shyam.....
Jay Jay Jay Shree Shyam.....

<https://bhaktivandana.com/lyrics/%e0%a4%97%e0%a4%be%e0%a4%a5%e0%a4%be-%e0%a4%96%e0%a4%be%e0%a4%9f%e0%a5%82-%e0%a4%b6%e0%a5%8d%e0%a4%af%e0%a4%be%e0%a4%ae-%e0%a4%9c%e0%a5%80-%e0%a4%95%e0%a5%80-by-sunil-sarvottam/>